



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ანწლი

ანწლი (*Sambucus*), ყვავილოვან მცენარეთა გვარი ცხრატყავასებრთა ოჯახისა.

ბუჩქები და პატარა ხეებია, იშვიათად - მრავალწლოვანი ბალახები. ცნობილია 40 სახეობა, რ-იც გავრცელებულია ორივე ნახევარსფეროს ზომიერ და სუბტროპ. ზონებში (გარდა ცენტრ. და სამხრ. აფრიკისა). საქართველოში ა-ის 2 სახეობაა - დიდგულა (*S. nigra*) და საკუთრივ ა. (*S. ebulus*), რ-იც მყრალი ბალახოვანი მცენარეა; აქვს სწორი, 0,5 - 1,5 მ სიმაღლის დაღარული ღერო, ქოლგის მსგავს საგველად შეკრებილი თეთრი ყვავილები, შავი ნაყოფი. იზრდება ტყის სარტყელში - ფოთლოვან ტყეებში, ტყისპირებსა და მინდვრებში, დანაგვიანებულ ადგილებში და სხვ., ზოგჯერ ქმნის რაყას.

ყვავილი შეიცავს ეთეროვან ზეთს; ნაყენს იყენებენ ხალხურ მედიცინაში ოფლმდენ, შარდმდენ და შემკვრელ საშუალებად.

დ. ხინთიბიძე
